



Informacija o stanju vodostaja na vodnom području rijeke Save u FBiH

Sarajevo, 8.11.2021 u 17:00 sati

Padavine koje su pale u proteklom periodu uslovile su potrebu za pojačanim praćenjem vodostaja na svim vodotocima na vodnom području rijeke Save u Federaciji BiH.

"Agencija za vodno područje rijeke Save" Sarajevo redovno, nekoliko puta tokom dana, detaljno analizira sljedeće podatke:

- Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,
- Prognozu vremena za naredna četiri dana dostavljenu od Federalnog hidrometeorološkog zavoda,
- Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,
- Rezultate prognoze padavina i vodostaja prognoznog modela za Unu-Sanu, Vrbas, Bosnu, Drinu kao i platforme prognoznih modela za kompletan sliv rijeke Save.

Trenutne padavine, kako je najavljeno u prognozi Federalnog hidrometeorološkog zavoda, nemaju značajniji intenzitet tako da se na mreži automatskih hidroloških stanica bilježi stagnacija i blago opadanje vodostaja. Jedino se povećanje vodostaja bilježi na rijeci Spreči nizvodno od akumulacije Modrac. Razlog je redovno ispuštanje vode iz akumulacije u skladu s Planom pogona, kako bi se bezbjedno pripremili za zadržavanje novih količina vode u akumulaciji, koje mogu nastati od padavina prognoziranih danas i sutra. Prestanak padavina se očekuje u toku sutrašnjeg dana i prema hidrološko-hidrauličkoj analizi prognostičkih modela situacija će biti stabilnija u odnosu na raniju prognozu. Ne očekuje se značajniji porast vodostaja koji bi mogao prouzrokovati značajnija izlivanja vodotoka iz korita.

Sugerišemo nadležnim institucijama da prate situaciju na terenu i postupaju u skladu s ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučujemo pojačan oprez i u naredna 24h. Također, sugerišemo nadležnim službama Civilne zaštite da upozore stanovništvo koje živi uz rijeke da ne prilaze obalama s obzirom da je još uvijek povišen nivo vode u koritima i povećana brzina tečenja.

Prema meteorološkim prognozama, prestanak padavina na cijelom vodnom području rijeke Save u FBiH očekuje se tokom sutrašnjeg dana, 09.11.2021. godine.





AGENCIJA ZA VODNO PODRUČJE RIJEKE SAVE SARAJEVO

Hamdije Ćemerlića 39a Tel: +387 33 726 400 Faks: +387 33 726 423 Web: www.voda.ba Email: info@voda.ba

Sve informacije o aktuelnim vodostajima moguće je pratiti na zvaničnoj web stranici Agencije za vodno područje rijeke Save Sarajevo: www.voda.ba.

Sve aktivnosti na praćenju i obavještanju o trenutnom hidrološko-hidrauličkom stanju se provode u skladu sa Federalnim operativnim planom odbrane od poplava.

AVP Sava nastavlja s redovnim praćenjem vodostaja i stanja na svim vodotocima na vodnom području rijeke Save u FBiH.

Odjeljenje za Informacioni sistem voda

Dežurni centar

